

YAKKA TARTIBDAGI TADBIRKORLARDAN OLINADIGAN SOLIQLAR BO'YICHA IMTIYOZLAR

T/r	Yakka tartibdagi tadbirkorlar toyifasi	Imtiyoz turi	Imtiyoz qo'llanishi uchun asos
I. Qat'iy belgilangan miqdordagi soliq bo'yicha			
1.	Yangi davlat ro'yxatidan o'tgan yakka tartibdagi tadbirkor	Yakka tartibdagi tadbirkor qat'iy belgilangan miqdorda soliq to'lashni u tadbirkorlik subyeksi sifatida davlat ro'yxatidan o'tkazilgan oydan yoki yakka tartibdagi tadbirkor yoxud oilaviy tadbirkorlik subyeksi bilan mehnat shartnomasi tuzilgan oydan keyingi oydan e'tiboran amalga oshiradi.	O'zbekiston Respublikasi Soliq kodeksining 392-moddasi
2.	«Hunarmand» uyushmasining a'zosi bo'lgan yakka tartibdagi tadbirkor	«Hunarmand» uyushmasining a'zolari hunarmandchilik faoliyati mahsulotlarini (tovar, ish, xizmatlarni) ishlab chiqarish va sotishda qat'iy belgilangan soliqdan ozod etiladi.	O'zbekiston Respublikasi Prezidentining 2017-yil 17-noyabrdagi PF-5242-son Farmoni
3.	I va II guruh nogironi bo'lgan yakka tartibdagi tadbirkor	Faoliyat ko'rsatish turi va uni amalga oshirish joyidan qat'iy nazar I va II guruh nogironligi bo'lgan shaxs hisoblangan yakka tartibdagi tadbirkorlar qat'iy belgilangan miqdordagi soliqni bazaviy hisoblash miqdorining 50 foizi miqdorida to'laydi.	O'zbekiston Respublikasi Prezidentining 2017-yil 1-dekabrdagi PF-5270-son Farmoni
4.	Sartaroshlik, tikuvchilik, hammom, poyabzal ta'mirlash xizmatlarini ko'rsatuvchi yakka tartibdagi tadbirkorlar	Qishloq tumanlarida, (<i>bundan aholi soni 5 ming kishidan ko'p bo'lgan aholi punktlari mustasno</i>) sartaroshxona xizmatlarini, yakka tartibdagi buyurtmalar bo'yicha kiyim tikish xizmatlarini, poyabzal ta'mirlash xizmatlarini ko'rsatish bo'yicha faoliyatni, jamoat hammomlarini tashkil etgan yakka tartibdagi tadbirkorlar 2023-yil 1-iyulgacha barcha turdagi soliqlarni to'lashdan ozod etilgan.	O'zbekiston Respublikasi Prezidentining 2017-yil 14-iyuldagi PQ-3856-son qarori
5.	Ayrim hududlarda faoliyat yurituvchi yakka tartibdagi tadbirkor	Qoraqalpog'iston Respublikasining Mo'ynoq tumanida davlat ro'yxatidan o'tgan va faoliyat yuritayotgan yakka tartibdagi tadbirkorlar 2027-yilning 1-yanvariga qadar qat'iy belgilangan miqdordagi soliqni to'lashdan ozod etilgan.	O'zbekiston Respublikasi Prezidentining 2017-yil 28-fevraldagi PQ-2803-son qarori
6.	Ayrim hududlarda faoliyat yurituvchi yakka tartibdagi tadbirkor	Navoiy viloyatining Tomdi, Uchquduq, Konimex tumanlari, Nurota tumanidagi Deqibaland, Sentob, Temirkovuk, Qizilcha, Gum va Choya aholi punktlari hamda Zarafshon shahri hududida ro'yxatga olingan va faoliyat yuritayotgan yakka tartibdagi tadbirkorlar qat'iy belgilangan miqdordagi soliq to'lashdan 2028-yilning 1-yanvariga qadar ozod etilgan.	O'zbekiston Respublikasi Prezidentining 2017-yil 29-sentabrdagi PQ-3301-son qarori

T/r	Yakka tartibdagi tadbirkorlar toyifasi	Imtiyoz turi	Imtiyoz qo'llanishi uchun asos
7.	Maktabgacha ta'lim muassasasini tashkil etgan yakka tartibdagi tadbirkor	Maktabgacha ta'lim nodavlat muassasasini tashkil etgan yakka tartibdagi tadbirkor o'z faoliyatini amalga oshira boshlaganidan keyin 10 yil mobaynida barcha turdagi soliqlar va majburiy ajratmalar to'lashdan ozod qilinadi.	O'zbekiston Respublikasi Prezidentining 2018-yil 5-apreldagi PQ-3651-son qarori
8.	Ayrim hududlarda faoliyat yurituvchi yakka tartibdagi tadbirkor	Mazkur qarorning 1-ilovasiga muvofiq Qoraqalpog'iston Respublikasi tumanlarining o'ziga xos "o'sish nuqtasi" deb belgilangan iqtisodiy faoliyat yo'nalishlari bo'yicha yangidan tashkil qilingan tadbirkorlik subyektlari 2024-yil 1-yanvarga qadar, yakka tartibdagi tadbirkorlarning qat'iy miqdordagi daromad solig'ini to'lashdan ozod qilinadi;	O'zbekiston Respublikasi Prezidentining 2020-yil 11-noyabrdagi PQ-4889-son qarori
9.	Ayrim hududlarda faoliyat yurituvchi yakka tartibdagi tadbirkor	Surxondaryo viloyati Uzun tumani Bobotog' hududida tadbirkorlik subyektlarini qo'llab-quvvatlash va aholini ijtimoiy himoya qilish maqsadida 2024 yil 1 yanvarga qadar yangi tashkil qilinadigan tadbirkorlik subyektlari, yakka tartibdagi tadbirkorlarning qat'iy miqdordagi daromad solig'idan ozod qilinsin.	O'zbekiston Respublikasi Prezidentining 2021-yil 17-fevraldagi PQ-4995-son qarori
10.	Ayrim hududlarda faoliyat yurituvchi yakka tartibdagi tadbirkor	Farg'ona viloyatining So'x tumani, Rishton tumanining Cho'ng'ara mahallasi, shuningdek Farg'ona tumanining Shohimardon, Yordon mahallalari va Hosilot mahallasining Toshtepa – 2 ko'chasida faoliyatini amalga oshirayotgan soliq to'lovchilar uchun qat'iy belgilangan miqdordagi jismoniy shaxslardan olinadigan daromad solig'i har chorakda yigirma besh ming so'm miqdorida to'lanadi.	Soliq kodeksining 480-1-moddasi
11.	Tadbirkorlik subyektlari onlayn-NKM yoki virtual kassadan foydalanishga o'tgan taqdirda	2023-yil 1-yanvarga qadar tadbirkorlik subyektlariga onlayn nazorat-kassa mashinasi hamda maxsus qurilmalarning har birini sotib olish bilan bog'liq xarajatlar summasiga, lekin bitta qurilma uchun bazaviy hisoblash miqdorining 4 baravaridan ko'p bo'lmagan miqdorda, yakka tartibdagi tadbirkorlar tomonidan to'lanadigan jismoniy shaxslardan olinadigan daromad solig'i summalarini kamaytirish huquqi berilsin.	O'zbekiston Respublikasi Prezidentining 2021-yil 4-oktabrdagi PQ-5252-son qarori
II. Deklaratsiya asosidagi daromad solig'i bo'yicha			

T/r	Yakka tartibdagi tadbirkorlar toyifasi	Imtiyoz turi	Imtiyoz qo'llanishi uchun asos
12.	Deklaratsiya asosida daromad solig'ini to'lovchi yakka tartibdagi tadbirkor	Soliqni jami yillik daromadi to'g'risidagi deklaratsiya asosida to'lovchi yakka tartibdagi tadbirkorlarga O'zbekiston Respublikasi Soliq kodeksining 378 va 380-moddalarida belgilangan imtiyozlar qo'llaniladi.	O'zbekiston Respublikasi Soliq kodeksining 378 va 380-moddalari
III. Aylanmadan olinadigan soliq bo'yicha			
13.	Milliy katalog va Reestrda kiritilgan hunarmandlar	2023-yil 1-yanvarga qadar Milliy katalog va Reestrda kiritilgan hunarmandlar uchun kalendar yili davomida hunarmandchilik mahsulotlarini (ishlar, xizmatlar) sotishdan tushgan tushumi 100 mln.so'mdan oshgan, biroq 1 mlrd so'mdan ko'p bo'lmagan miqdori uchun yakka tartibdagi tadbirkorlar tomonidan aylanmadan olinadigan soliq (<i>avvalgi yagona soliq to'lovi</i>) stavkasi 2 foiz miqdorida to'lanadi.	O'zbekiston Respublikasi Prezidentining 2018-yil 28-noyabrda PQ-4539-son qarori
IV. Ijtimoiy soliq bo'yicha			
14.	Yangi davlat ro'yxatidan o'tgan yakka tartibdagi tadbirkor	Yangi ro'yxatdan o'tgan yakka tartibdagi tadbirkorlar (shuningdek, oilaviy tadbirkorlik subyekti azolari) tomonidan ijtimoiy soliqni to'lash ular yakka tartibdagi tadbirkor sifatida davlat ro'yxatidan o'tkazilgan oydan keyingi oydan etiboran amalga oshiriladi.	O'zbekiston Respublikasi Soliq kodeksining 408-moddasi
15.	Nafaqaxo'r, I va II guruh nogironligi bo'lgan yakka tartibdagi tadbirkor	Yoshga doir pensiya olish huquqiga ega bo'lgan shaxslar, shuningdek I va II guruh nogironligi bo'lgan shaxslar uchun ijtimoiy soliq miqdori uning belgilangan eng kam miqdorining kamida 50 foizini tashkil etishi kerak.	O'zbekiston Respublikasi Soliq kodeksining 408-moddasi
16.	«Hunarmand» uyushmasining a'zosi bo'lgan yakka tartibdagi tadbirkor	Yoshga doir pensiya va nafaqa oluvchi hunarmandchilik faoliyati subyektlari bo'lgan «Hunarmand» uyushmasining a'zolari ijtimoiy soliq to'lashdan ozod etiladi.	O'zbekiston Respublikasi Soliq kodeksining 408-moddasi
17.	«Hunarmand» uyushmasining a'zosi bo'lgan yakka tartibdagi tadbirkor	Hunarmandchilik faoliyati subyektlari bo'lgan «Hunarmand» uyushmasining azolari yiliga bir marta ijtimoiy soliqni bazaviy hisoblash miqdorida to'laydi.	O'zbekiston Respublikasi Soliq kodeksining 408-moddasi
18.	Ayrim hududlarda faoliyat yurituvchi yakka tartibdagi tadbirkor	Farg'ona viloyatining So'x tumani, Rishton tumanining Cho'ng'ara mahallasi, shuningdek Farg'ona tumanining Shohimardon, Yordon mahallalari va Hosilot mahallasining Toshtepa - 2 ko'chasida faoliyatini amalga oshirayotgan yakka tartibdagi tadbirkorlar uchun — yiliga	Soliq kodeksining 480-2-moddasi

T/r	Yakka tartibdagi tadbirkorlar toyifasi	Imtiyoz turi	Imtiyoz qo'llanishi uchun asos
		bazaviy hisoblash miqdorining kamida bir baravari miqdorida.	